

10) Գլխավոր վարչութիւնն ունի իր կնիքը, իսկ տեղական վարչութիւններին ուղարկում է թէ կնիքի օրինակները, թէ հաշւական մատեանները :

11) Եթէ տեղական ճիւղը դադարեցնում է իր գործունէութիւնը, իր բոլոր գործերը, շարժական և անշարժ կայքը անցնում է գլխավոր վարչութեան : Այդ բոլորը կրկին յետ է տրւում նոյն ճիւղին, եթէ վերջինս իր դադարման օրից երկու տարւայ ընթացքում վերսկսում է իր գործունէութիւնը : Հակառակ դէպքում նրա բոլոր կայքն ու գրամագլուխը մնում է գլխավոր վարչութեան :

12) Գլխավոր և տեղական վարչութիւնների գումարները բաժանուած են 4 կարգի . — ա) ծախսերի գումար՝ Ընկերութեան ընթացիկ ծախսերի համար, բ) պահեստի գրամագլուխ, պատերազմի պէտքերի համար, գ) հաշմանգամ զինւորականներին նպաստի գրամագլուխ, դ) յատուկ նպատակների համար հաւաքւած կամ նւիրարեւրած գումարներ : Վերջին կարգի գումարների շարքին են պատկանում գթութեան քոյրերի կենսաթոշակի համար յատկացւած գումարները :

Ծանօթ . Յատուկ նպատակների համար նւիրարեւրած գումարները գործադրւում են նւիրողի կամքի համաձայն :

13) Գլխավոր և տեղական վարչութիւնների գումարները պահւում են պետական դանձարանում, կամ նրա մի որեւէ բաժանմունքում՝ ջպահանջ կամ ընթացիկ հաշուով :

Ընկերութեան և իր հիմնարկութիւններին պատկանող բոլոր գրամագլուխները հնարաւորութեան առաջին դէպքում, վերածւում են պետական տոկոսաբեր թղթերի և պահւում պետական բանկում կամ նրա բաժանմունքներից մէկում : Եթէ մօտակայ տեղերում այդ բաժանմունքը չկայ, կամ որեւէ գումարութիւն կայ յիշեալ գրամագլուխները նրան յանձնելու, գրանք տրւում են գլխավոր վարչութեան, որ և այդ գումարները պետական արժէթղթերի է վերածում և պահ տալիս պետական բանկին :

14) Տեղական վարչութիւնները բոլոր տեսակի գրամական եկամուտների 25%-ը, բացառութեամբ յատուկ նպատակի համար եղած նւէրների, ուղարկում են գլխավոր վարչութեան, Ընկերութեան ընդհանուր ծախսերի համար, մնացած 75%-ից հանւում է վարչութեան տարեկան ծախսերը, իսկ մնացած գումարը, որի մէջ մտնում է նաև նախահաշւի մնացորդը, բաժանւում է չորս հաւասար մասերի, երկու մասը յատկացւում է պահեստի գրամագլխին պատերազմի պէտքերի համար, մի մասը՝ հաշմանգամ զինւորականների նպաստի գրամագլխին և մի մասը՝ ընդհանուր աղէտներից վնասւածների օգտին :

15) Ընդհանուր ժողովի գրազմունքներն են .

ա) Հաստատել ընկերութեան, գլխավոր վարչութեան և տեղական վարչութիւնների համար կանոնադրութիւն :

բ) Քննել գլխավոր վարչութեան ընդհանուր հաշւետւութիւնը Ընկերութեան գործունէութեան և միջոցների մասին :

գ) Ստուգել գլխավոր վարչութեան ելքի ու մուտքի գումարները և նրա հսկողութեան տակ գտնւած գրամագլուխները .